



## SAMBAND ÍSLENSKRA SVEITARFÉLAGA

Félagsmálaráðuneytið  
Skógarhlíð 6  
105 Reykjavík

Reykjavík 8. ágúst 2019  
1908008SA GB  
Málalykill: oo.64

### Efni: Umsögn um mál S-195/2019 - Tillögur til að bregðast við húsnæðisvanda á landsbyggðinni

Í samráðsgátt Stjórnarráðsins eru nú til kynningar tillögur sem eru settar fram í þremur liðum og snúa að stofnkostnaði íbúðabygginga, fjármögnun þeirra og leiðum til þess að efla leigumarkað.

#### Almennt

Ágætt samstarf hefur verið milli ráðuneytisins, Íbúðalánasjóðs, Sambands íslenskra sveitarfélaga og fleiri haghafa um mótonn þessara tillagna. Tillögurnar eru jafnframt í ágætu samræmi við tillögur átakshóps um aðgerðir í húsnæðismálum og byggðaáætlun 2018-2022, þar sem m.a. er lögð áhersla á að fylgja íbúðum á svæðum þar sem eru sóknarfæri til þess að rjúfa stöðnun í atvinnumálum en skortur á hentugu íbúðarhúsnæði hamrar uppbyggingu.

Heilt á litið eru þær tillögur sem nú eru kynntar í góðu samræmi við áherslur í stefnumörkun sambandsins 2018-2022, þar sem m.a. segir:

- Sambandið leggur áherslu á jafnt aðgengi landsmanna, óháð búsetu, að húsnæðislánum á viðráðanlegum kjörum. Íbúðalánasjóður fái skilgreint hlutverk varðandi viðbrögð á svæðum þar sem brestur er á slíku aðgengi. (3.3.25)
- Sambandið kalli eftir lagabreytingum til þess að styðja við aðgerðir byggðaáætlunar í húsnæðismálum. Veitt verði viðþótarstofnframlög vegna almennra íbúða (félagslegs leiguþúsnæðis) á vaxtarsvæðum til að bregðast við húsnæðiseiklu, sem endurspegli raunverulegt misgengi í byggingarkostnaði og verðmæti fasteigna. (3.3.28)

Sambandið telur þó tilefni til að benda á að í tillögunum er ekki vikið að takmörkunum á skammtímaleiguþúsnæði til ferðamanna, sem getur haft neikvæð áhrif á húsnæðismarkað, ekki síst á landsbyggðinni. Í stefnumörkun sambandsins er kallað eftir því að horft verði til styttingar leigutíma, aukins eftirlits og virkni þvingunarúrræða (3.3.29). Sambandið er hins vegar meðvitað um að löggjöf um gististaði er ekki á forræði félagsmálaráðuneytisins og kallar fyrst og fremst eftir því að stefna stjórnvalda í húsnæðismálum verði samræmd.

Enn fremur vísar sambandið til umsagnar dags. 22. maí 2019, um frumvarp um breytingar á lögum um almennar íbúðir, þar sem fjallað er um nánari útfærslu sumra þeirra tillagna sem raktar eru í því skjali sem hér er til umsagnar.

## Lokaorð

Af hálfu sambandsins þykir tilefni til þess að hrósa ráðherra og þeim starfsmönnum ráðuneytisins og íbúðaláanasjóðs sem komið hafa að framkvæmd þeirra verkefna sem tíunduð eru í skjalinu. Eðlilegt er að leggja áherslu á að allar tímaáætlanir um innleiðingu þessara tillagna, að meðtöldum laga- og reglugerðabreytingum, standist.

Einnig er tilefni til þess að hvetja ráðherra til að leggja sem fyrst fram tillögur um stuðning við fyrstu íbúðakaup. Æskilegt væri að fyrirhugaðar breytingar á húsnæðislöggjöf hljóti samþykki á komandi haustþingi.

Virðingarfyllst  
SAMBAND ÍSLENSKRA SVEITARFÉLAGA

  
Karl Björnsson  
framkvæmdastjóri